

Bosna i Hercegovina
Federacija Bosne i Hercegovine
Bosansko-podrinjski kanton Goražde
MINISTARSTVO ZA OBRAZOVANJE, MLADE, NAUKU, KULTURU I SPORT



PROGRAM

utroška sredstava

Ministarstva za obrazovanje, nauku, kulturu i sport sa ekonomskog koda
614 300 (JAN 001) – Tekući transfer neprofitnim organizacijama - za mlade za 2019. godinu

Goražde, maj 2019. godine

Na osnovu člana 47. Zakona o izvršenju Budžeta Bosansko podrinjskog kantona Goražde za 2019. godinu („Službene novine Bosansko - podrinjskog kantona Goražde“, broj: 3/19), a u skladu sa Uredbom o kriterijima za finansiranje programa i projekata neprofitnih organizacija i udruženja koja se finansiraju/sufinansiraju iz Budžeta Bosansko podrinjskog kantona Goražde broj: 03-14-866/16 od 10.06.2016. godine, Ministarstvo za obrazovanje, mlade, nauku, kulturu i sport Bosansko podrinjskog kantona Goražde, *d o n o s i*:

PROGRAM

utroška sredstava Ministarstva za obrazovanje, mlade, nauku, kulturu i sport sa ekonomskog koda 614 300 (JAN 001) – Tekući transfer neprofitnim organizacijama - za mlade za 2019. godinu

1. NAZIV PROGRAMA

Naziv Programa je: „Program utroška sredstava Ministarstva za obrazovanje, mlade, nauku, kulturu i sport sa ekonomskog koda 614 300 (JAN 001) – Tekući transfer neprofitnim organizacijama - za mlade za 2019 godinu“.

PODACI O PROGRAMU

Period realizacije Programa : 01.01.2019.- 31.12.2019. godine
Budžetska pozicija: Tekući transfer neprofitnim organizacijama - za mlade za 2019. godinu
Ekonomski kod: 614 300
Ukupna vrijednost Programa: 10.000,00 KM
Odgovorna osoba: Ministar
Kontakt osoba za Program: Amina Salić - Bezdob, stručni saradnik za mlade, nauku i kulturu
Kontakt telefon: 038 224 259 lokal 214
Kontakt e-mail: obrazovanje@bpkg.gov.ba
Internet: <http://mo.bpkg.gov.ba/>

SAGLASNOST NA PROGRAM

Saglasnost na ovaj Program, u skladu sa članom 47. Zakona o izvršenju Budžeta Bosansko podrinjskog kantona Goražde za 2019. godinu („Službene novine Bosansko-podrinjskog kantona Goražde“, broj: 3/19), je dala Vlada Bosansko-podrinjskog kantona Goražde Odlukom broj 03-14-542/19 od 20.05.2019. godine.

2. SVRHA I OPIS PROGRAMA

2.1. Svrha Programa

Svrha Programa je pružanje osnovnih smjernica za stvaranje podsticajnog okruženja za provođenje politike prema mladim i institucijalnog vida saradnje Ministarstva za obrazovanje, mlade, nauku, kulturu i sport (u daljem tekstu: Ministarstvo) i omladinskih udruženja. Programom se žele dodatno podržati posebne projektne aktivnosti omladinskih udruženja radi jačanja njihovih kapaciteta u ispunjavanju njihove osnovne misije u društvu. Također, da Ministarstvo preko ovog Programa aktivno učestvuje sa planiranim

budžetskim sredstvima na poboljšanje pitanja od interesa za život, položaj i djelovanje mladih ljudi na području Bosansko – podrinjskog kantona Goražde (u daljem tekstu: Kanton).

2.2. Opis Programa

Ovim Programom se definišu pojedinačne podsticajne mjere za provođenje politike prema mladim na području Kantona, utvrđuju potrebna finansijska sredstva te način praćenja realizacije svake od predviđenih podsticajnih mjera, kriteriji, korisnici Programa kao i druga pitanja od značaja za provođenje Programa.

3. OPĆI I POSEBNI CILJEVI PROGRAMA

3.1. Opći cilj programa

Opći cilj ovog Programa je aktivno uključivanje u pitanja od interesa za život, položaj i djelovanje mladih ljudi na području Kantona i razvoj Kantona.

3.2. Posebni ciljevi Programa

U skladu sa Općim ciljevima Programa posebni ciljevi Programa su:

- Podrška projektnim aktivnostima koje su usmjerene na informisanje mladih o zdravim stilovima života,
- Podrška projektnim aktivnostima koje su usmjerene na informisanje mladih o suzbijanju nasilja i nedoličnog ponašanja na sportskim priredbama,
- Podrška projektnim aktivnostima koje su usmjerene na oblasti društvenog života i slobodnog vremena mladih,
- Podrška projektnim aktivnostima koje potiču mlade na demokratiju, toleranciju i ravnopravnost spolova,
- Podrška projektnim aktivnostima koje imaju za cilj organizovanje kulturnih događaja kroz sprovođenje seminara za formalne i neformalne grupe mladih o upravljanju kulturnim događajima,
- Podrška projektnim aktivnostima koje imaju za cilj akcije očuvanja, čišćenja, uređenja, unapređenja stanja i zaštite životne sredine.

Mjera finansijska podrška omladinskim udruženjima u vidu sufinansiranja jednog prijedloga projektnih aktivnosti definisanih posebnim ciljevima programa.

4. POTREBNA SREDSTVA ZA PROVOĐENJE PROGRAMA

Potrebna sredstva za provođenje Programa iznose **10.000,00 KM** i to:

80% sredstava za prijedloge projektnih aktivnosti omladinskih udruženja putem Javnog poziva za prijavu prijedloga projektnih aktivnosti za učešće u Programu utroška sredstava iz Budžeta Ministarstva sa ekonomskog koda 614 300 (JAN 001) – Tekući transfer neprofitnim organizacijama - za mlade za 2019. godinu (u daljem tekstu: Javni poziv) i

20% sredstava za prijedloge projektnih aktivnosti putem zaključenih sporazuma, memoranduma i sl. koji su definisani kao vidovi zajedničke saradnje Ministarstva i omladinskih udruženja te podnošenjem zahtjeva zaprimljenih u periodu 01.01.2019 – 31.12.2019 godine koji su u skladu sa mjerama u okviru Posebnih ciljeva ovog. Također, da Ministarstvo ispoštuje obaveze donesenih Zaključaka Komisije za mlade Skupštine Kantona koji se odnosi na izbor najuspješnijeg omladinskog udruženja u 2017. i 2018. godini.

5. KRITERIJI ZA RASPODJELU SREDSTAVA

Da bi predložene projektne aktivnosti bile sufinansirane moraju zadovoljiti određene kriterije navedene u nastavku.

5.1. Kriteriji prihvatljivosti za učešće u Programu

Prijedlozi projektne aktivnosti se najprije razmatraju kako bi se utvrdilo odgovaraju li u potpunosti sa općim Kriterijima prihvatljivosti za učešće u Programu ali i posebnim kriterijima za učešće u Programu

5.1.1. Opći Kriteriji

Prihvatljivi su oni Prijedlozi projektne aktivnosti koji / čiji:

- su predlagači omladinska udruženja registrovana na bilo kojem nivou vlasti u Bosni i Hercegovini te u tom smislu i dostavili Rješenje o registraciji odnosno Uvjerenje iz registra udruženja izdato u vrijeme podnošenja zahtjeva, izuzev iz Registra udruženja koje vodi Ministarstvo za pravosuđe, upravu i radne odnose Kantona, koje Ministarstvo kao nosilac budžetskih sredstava pribavlja po službenoj dužnosti.
- je realizacija od interesa za građane Kantona ili doprinosi razvoju i afirmaciji Kantona i provodi se na području Kantona;
- su predlagači dostavili Uvjerenje o poreskoj registraciji - identifikacioni broj;
- su predlagači dostavili Uvjerenje o izmirenim poreskim obavezama a oni predlagači koji nemaju neizmirenih obaveza mogu dostaviti ovjerenu izjavu kod nadležnog organa da nemaju neizmirenih obaveza kojom to potvrđuju;
- su predlagači dostavili Uvjerenje o izmirenim porezima i doprinosima za zaposlenike (ukoliko ima zaposlenika) a oni predlagači koji nemaju uposlenih mogu dostaviti ovjerenu izjavu kod nadležnog organa da nemaju uposlenih kojom to potvrđuju;
- su predlagači dostavili program rada za tekuću godinu sa obrazloženjem;
- su predlagači dostavili finansijski plan za tekuću godinu;
- su predlagači dostavili izvještaj o urednom finansijskom poslovanju (bilans stanja, bilans uspjeha i narativni izvještaj za prethodnu godinu) sa izuzetkom onih predlagača koji su registrovani u prethodnoj godini;
- predlagači dostavili finansijski izvještaj o utrošku sredstava za projekte odobrene u prethodnoj godini sa izuzetkom onih predlagača koji su registrovani u prethodnoj godini;
- su predlagači dostavili popunjen obrazac za aplikaciju za sufinansiranje projektne aktivnosti.
- su predlagači dostavili listu članova i organa upravljanja koju čine dvije trećine (2/3) mladih u životnoj dobi od 15 do 30 godina starosti (ovjerena pečatom omladinskog udruženja).

5.1.2. Posebni Kriteriji

- Podrška projektne aktivnostima koje su usmjerene na informisanje mladih o zdravim stilovima života,
- Podrška projektne aktivnostima koje su usmjerene na informisanje mladih o suzbijanju nasilja i nedoličnog ponašanja na sportskim priredbama,
- Podrška projektne aktivnostima koje su usmjerene na oblasti društvenog života i slobodnog vremena mladih,
- Podrška projektne aktivnostima koje potiču mlade na demokratiju, toleranciju i ravnopravnost spolova,
- Podrška projektne aktivnostima koje imaju za cilj organizovanje kulturnih događaja kroz sprovođenje seminara za formalne i neformalne grupe mladih o upravljanju kulturnim događajima,
- Podrška projektne aktivnostima koje imaju za cilj akcije očuvanja, čišćenja, uređenja, unapređenja stanja i zaštite životne sredine.

5.2. Kriteriji ne prihvatljivosti za učešće u Programu

Neprihvatljivi su oni Prijedlozi aktivnosti koji / čiji:

- podrazumijevaju finansiranje plaća (bruto i neto lični dohodak),
- su na drugi način ostvarili finansiranje ili sufinansiranje iz Budžeta Kantona,
- administrativni troškovi prelaze 10% budžeta svih predloženih projektnih aktivnosti,
- imaju jedinu svrha korist zaposlenih u pravnom licu,
- akti predlagača na koje se odnosi Zakon o udruženjima i fondacijama ("Službene novine Federacije BiH", broj; 45/02) nisu usklađeni sa istim,
- predlagač ne ispunjava Kriteriji prihvatljivosti za učešće u Programu (opće kriterije i posebne kriterije).

5.3. Selekcijski i bodovni Kriteriji

Prijedlozi projektnih aktivnosti koji ispunjavaju Kriteriji prihvatljivosti za učešće u Programu (opće kriterije i posebne kriterije) odnosno koji ispunjavaju mogućnost za sudjelovanje u ovom Programu, podliježu temeljitoj procjeni u skladu sa bodovnim kriterijima.

5.3.1. Selekcijski Kriteriji

Odgovorno lice za provođenje prijedloga projektnih aktivnosti moraju imati profesionalne vještine i kvalifikacije za obavljanje predloženih projektnih aktivnosti (operativna sposobnost). U tom smislu CV osobe odgovorne za provođenje projektnih aktivnosti treba biti dostavljeni kao dio prijave.

5.3.2. Bodovni Kriteriji

Bodovni kriteriji čine osnov za procjenu kvaliteta prijedloga projektnih aktivnosti u vezi sa općim i posebnim ciljevima te Kriterijima ovog Programa. Oni sadrže elemente kvaliteta i kvantiteta, od kojih svaki nosi određen broj bodova.

Projektne aktivnosti će biti procijenjeni skalom bodova 0 do 70 i biće poredani po svojoj vrijednosti.

Bodovni kriteriji	
Kriteriji	Maksimalan rezultat
Da li su ciljevi predloženih projektnih aktivnosti izašli iz okvira interesa samog predlagača?	5
Da li će predložene projektne aktivnosti imati pozitivan učinak na pitanja od interesa za život, položaj i djelovanje mladih ljudi na području Kantona i razvoj Kantona?	5
Da li je jasno razrađeni očekivani rezultati predloženih projektnih aktivnosti?	5
Da li je jasno razrađen plan budžeta pojedinih predloženih projektnih aktivnost?	5
Da li su sve predložene projektne aktivnosti odgovarajuće predstavljene u budžetu?	5
Da li su troškovi predloženih projektnih aktivnosti obrazloženi na način da dokazuju da će sredstva Programa biti iskorištena na efikasan i ekonomičan način?	5
Da li predložene projektne aktivnosti posjeduju značaj u odnosu na život mladih, uticaj na javnost te socijalnu dimenziju aktivnosti?	5x2*
Da li je obezbjeđena vidljivost, promocija, korištenje i širenje rezultata ovog Programa?	5
Da li su jasno razrađeni direktni ili indirektni korisnici te procjena broja osoba koje mogu direktne ili indirektno korisnike predloženih projektnih aktivnosti?	5x2*
Da li su jasno uočljive ideje koje su dovele do toga da se prijavi predloženih projektne aktivnost?	5
Da li je jasno praćenje predloženih projektnih aktivnosti?	5

Da li su predložene projektne aktivnosti vode od strane lica koja posjeduju vještine i iskustva u provođenju projektnih aktivnosti?	5
---	---

*rezultat se multiplicira sa 2 zbog njegove važnosti

Za svaki kriterij komisija daje ocjenu između 1 i 5 slijedećim kategorijama ocjena.

- 1 – veoma slabi
- 2 – slabo
- 3 – adekvatno
- 4 – dobro
- 5 – vrlo dobro

Komisija će procjenjivati vrijednost kriterija te minimalan broj bodova u zavisnosti od broja predloženih projektnih aktivnosti. Svi članovi komisije dodjeljuju ocijene, a ukupan broj bodova se dobije kada se ocjene dobivene od svih članova komisije podijele sa brojem članova komisije.

Bodovanje se vrši po osnovu tablice za ocjenjivanje prijedloga projektnih aktivnosti i ista je sastavni dio ovog Programa.

Sve dostavljene prijedloge projektnih aktivnosti pregleda i ocjenjuje Komisija imenovana od strane Ministra za obrazovanje, mlade, nauku, kulturu i sport. Komisija daje Ministarstvu prijedlog o raspodjeli sredstava, predlaže listu predlagača ili projekata koji zaslužuju pomoć na osnovu postignutih bodova i raspoloživih sredstava te sačinjava Obavještenje za sve predlagače prijedloga projektnih aktivnosti sa mogućnošću prigovora Ministarstvu. Konačnu raspodjelu sredstava sa utvrđenom listom predlagača ili projekata donosi Vlada Kantona na prijedlog Ministarstva.

Iz razloga nedovoljnog priliva sredstava u Budžet Bosansko - podrinjskog kantona Goražde Odlukom Ministra za obrazovanje, mlade, nauku, kulturu i sport ili Vlade Kantona može se dodatno utvrditi maksimalan iznos sredstava odnosno smanjiti iznos sredstava predviđen za omladinska udruženja za 2019. godinu, s tim da pojedinačni iznosi sredstava ne mogu biti veći od iznosa proizašlog na osnovu bodovanja u skladu sa Kriterijima ovog Programa, a sve prije donošenja Konačnog plana raspodjele sredstava za sufinansiranje projektnih aktivnosti omladinskih udruženja za 2019. godinu.

5.4. Prijava prijedloga projektnih aktivnosti za sufinansiranje

Sve predložene projektne aktivnosti koji se sufinansiraju kroz ovaj Program trebaju pripadati utvrđenim mjerama u okviru Posebnih ciljeva ovog Programa.

Prijava prijedloga projektnih aktivnosti ovim Programom osmišljena na dva različita načina i to:

1. Putem Javnog poziva

Javni poziv definiše: kriterije prihvatljivosti za učešće u Programu – opći i posebni kriteriji, kriterije ne prihvatljivosti za učešće u Programu i bodovne kriterije, dodatne odgovarajuće dokumente koje je potrebno priložiti uz prijavu, uslove za dodjelu sredstava, uslove za podnošenje prijave na Javni poziv, aktivnostima vezanim za odabir korisnika i dodjelu sredstava. Javni poziv se objavljuje u elektronskim medijima na području Kantona, internet stranici Vlade Kantona kao i oglasnoj ploči Kantona.

2. Putem zaključenih sporazuma, memoranduma i sl. koji su definisani kao vidovi zajedničke saradnje u Ministarstva i omladinskih udruženja te podnošenjem zahtjeva zaprimljenih u periodu 01.01.2019 – 31.12.2019 godine bez obaveza da predlagač treba biti registrovanog sjedišta na području Kantona. Također, da Ministarstvo ispoštuje obaveze donesenih Zaključaka Komisije za mlade Skupštine Kantona koji se odnosi na izbor najuspješnijeg omladinskog udruženja u 2016. i 2017 godini.

Svi troškovi koji proizilaze iz provođenja neke projektne aktivnosti ne mogu se u potpunosti finansirati kroz ovaj Program, s tim u vezi, putem ovog Programa vršit će se sufinansiranje projektnih aktivnosti te

predlagači prijedlog projektnih aktivnosti trebaju pronaći i druge izvore za njihovo finansiranje, izuzev dodjele novčanih sredstava za najuspješnije omladinsko udruženja u 2016. i 2017. godini.

Dokaz o takvoj vrsti sufinansiranja prilaže se prilikom podnošenja narativnog i finansijskog izvještaja.

5.5. Odabir korisnika i dodjele sredstava

Sredstva utvrđena ovim Programom dodjeljuju se u skladu sa principima pouzdanosti i predvidivosti, otvorenosti i transparentnosti, odgovornost, efikasnosti i djelotvornost a koji su jedni evropskih principa u radu javnih uprava. U skladu sa navedenim u narednim članovima Programa donesen je poseban niz kriterija kako bi se omogućio transparentan selekcijski postupak (odnosno kriteriji prihvatljivosti za učešće u Programu – opći i posebni kriteriji, kriteriji ne prihvatljivosti za učešće u Programu i bodovni kriteriji.

6. KORISNICI PROGRAMA

Korisnici Programa su omladinska udruženja sa području Kantona s pravnim svojstvom.

Korisnici i primaoci sredstava Programa su odgovorni za provođenje aktivnosti namijenjenih za sufinansiranje projektnih aktivnosti.

6.1. Obaveze korisnika sredstava

Korisnici Programa moraju podnijeti završni narativni i finansijski Izvještaj prema utvrđenom obrascu.

Iznosi iskazani od strane korisnika u finansijskim izvještajima na kojim se temeljio prijedlog projektnih aktivnosti za plaćanje trebaju biti stvarni, tačno izračunati i dozvoljeni u skladu sa ovim Programom.

Korisnici sredstava trebaju obezbjediti vidljivost, promociju, korištenje i širenje rezultata ovog Programa.

7. POTREBAN BROJ RADNIKA ZA PROVOĐENJE PROGRAMA I MONITORING

Za provođenje ovog Programa će biti angažovani uposlenici Ministarstva u toku radnog vremena bez posebnih nadoknada.

Nadzor (monitoring) nad upotrebom budžetskih sredstava od strane korisnika obavlja Ministarstvo za finansije Kantona, te Ministarstvo u skladu sa Zakonom o izvršenju Budžeta Kantona za 2019. godinu („Službene novine Bosansko-podrinjskog kantona Goražde“, broj: 3/19).

8. PROCJENA REZULTATA

Realizacijom Programa očekuje se jačanje kapaciteta omladinskih udruženja a time i mladih na području Kantona.

9. PROCJENA NEPREDVIĐENIH RASHODA I RIZIKA

Jedan od mogućih rizika koji može uticati na ostvarivanje ovog Programa jeste eventualno nedovoljno punjenje budžeta Kantona, zbog nedovoljnog priliva sredstava u Budžet Kantona.

Broj: 10-14-1564-1/19
Goražde, 20.05.2019.godine

MINISTAR

Arman Bešlija

Tablica za ocjenjivanje prijedloga projektnih aktivnosti

**Prijedlog projektne aktivnosti
zaprimljen pod brojem:**

Podnosilac prijedloga projektne aktivnosti:

Naziv prijedloga projektne aktivnosti:

Kriteriji	Maksimalan rezultat	Ocjene članova komisije			Sveukupna ocjena komisije
Da li su ciljevi predloženih projektnih aktivnosti izašli iz okvira interesa samog predlagača?	5				
Da li će predložene projektne aktivnosti imati pozitivan učinak na pitanja od interesa za život, položaj i djelovanje mladih ljudi na području Kantona i razvoj Kantona?	5				
Da li je jasno razrađeni očekivani rezultati predloženih projektnih aktivnosti?	5				
Da li je jasno razrađen plan budžeta pojedinih predloženih projektnih aktivnost?	5				
Da li su sve predložene projektne aktivnosti odgovarajuće predstavljene u budžetu?	5				
Da li su troškovi predloženih projektnih aktivnosti obrazloženi na način da dokazuju da će sredstva Programa biti iskorištena na efikasan i ekonomičan način?	5				
Da li predložene projektne aktivnosti posjeduju značaj u odnosu na život mladih, uticaj na javnost te socijalnu dimenziju aktivnosti?	5x2*				
Da li je obezbjedena vidljivost, promocija, korištenje i širenje rezultata ovog Programa?	5				
Da li su jasno razrađeni direktni ili indirektni korisnici te procjena broja osoba koje mogu direktne ili indirektno korisnike predloženih projektnih aktivnosti?	5x2*				
Da li su jasno uočljive ideje koje su dovele do toga da se prijavi predloženih projektna aktivnost?	5				
Da li je jasno praćenje predloženih projektnih aktivnosti?	5				
Da li su predložene projektne aktivnosti vode od strane lica koja posjeduju vještine i iskustva u provođenju projektnih aktivnosti?	5				
UKUPNO					

Datum:

Komisija: